

Fiji Hindi - Bachaay Baaibal - Salvation Scriptures

Efisia 2:2 Tum sab i dunia ke rasta pe chalta raha aur saitaan ke maanta raha.
Wahi dunia ke chalaay hei, aur uske Aatma ke sakti u sab pe hei jon
Parmeshwar ke nai maane hei.

Methiu 6:10 Tumhaar raaj aawe aur tumhaar ichchha jeise swarag meñ puura hoy
hei weisaiyeñ dharti pe bhi hoy.

Luuk 22:42 "E Pita, agar tum maañgo, to i dukh ke pyaala hamme piye nai dega.
Fir bhi hamaar ichchha nai, lekin tumhaar ichchha puura hoi"

Yuhanna 16:7-9 Lekin ham tum se sachche bolta hei, ki i tumhaar khaatir achchha
hoi ki ham chala jaai, kaahe ki agar ham nai jaayga to madadgaar tumhaar
lage nai aai. Aur jeise ham jaayga, weise madadgaar tumhaar lage bhej dega.
8 Aatma aay ke, dunia ke log ke paap, dharam, achchha, bura aur nyaay ke
baare meñ samjhaai. 9 Paap ke baare meñ dunia ke log nai jaane hei, kaahe ki
ulog ham pe biswaas nai kare hei.

2 Timathi 2:10 aur yahi kaaran ham koi bhi cheej sahe sakta hei. Tab
Parmeshwar ke khaas log ke bachaawa jaai. Ulog ke anant mahima mili kaahe
ke ulog Yeeshu Maseeh ke log hei.

Roam 15:20,21 Ham log ke chaahi ki ulog ke likh ke bataay dei ki muurti pe
charhaawal khaana nai khaay, gañai aiñth ke maaral jaanwar ke gos nai khaay,
u gos bhi nai khaay jisman abhi tak khuun hoi, aur koi eisan gambheer
sekshual paap nai kare. 21 I baat ham log ke yaad kare ke hei ki Maozas ke
kaanuun ke baare meñ bahut din se shahar-shahar parchaar kara gay hei aur
sabat ke din preya ke ṭaaim iske parha jaay hei."

Prerito Ke Kaam 2:36,37 Israayel meñ sab ke i baat jaan jaay ke chaahi ki tum
Yeeshu ke kros pe charhaay ke maar daala, lekin Parmeshwar, wahi ke
Prabhu aur Maseeh duuno banaay dees. 37 I baat sunke sab log bara dukhi
bhain. Ulog Peeṭa aur uske saathi log se puuchhin, "Bhaai log, ham kon cheej
kari?"

Heebru 4:2 Ham log sandes suna hei, jeise ulog sunin raha. Lekin ulog biswaas
nai karin, aur u sandes ulog ke waaste koi matlab nai rakkhis.

Jeremaayah 24:7 - Methiu 22:37 Yeeshu bolis, "Tum Prabhu aapan Parmeshwar
se aapan man se aur aapan praan se, aur aapan saara buddhi se prem karo.

Prerito Ke Kaam 16:14 Huañ pe ek aurat Thuaateera shahar ke rahi jiske naam
Lidia raha. I aurat mahañga baijni (purple) kapra bechat rahi. I Prabhu
Parmeshwar ke weshipa rahi. Prabhu uske Pol ke baat manwaais.

Methiu 13:14-16 Ulog ke baare meñ Aayzaaya nabi pahile se bataais raha. U sab
puura bhais, "Ilog kaan se suni lekin samjhe nai paai. Aur aañkhi se dekhi lekin
kuchh samjhi nai, ki kaa dekhe hei. 15 Kaahe ke ilog ke man bahut kaṛa hei!
Ilog ke kaan band hoy gais hei, aur aañkhi bhi band hoy gais hei. Ilog dekhe
aur sune nai sake hei aur samjhe nai sake hei. Agar eise hota, to ilog hamaar
bagal ghum aate, aur ham ilog ke achchha kar deta." 16 Lekin Parmeshwar

tumme aasheesh dees hei, kaahe ke tumhaar aañkhi dekhe hei aur tumhaar kaan sune hei!

Aayzaaya 6:9,10 - Prerito Ke Kaam 28:27 Tum sab log ke jiddi dil hei. Tum log ke kaan band hoy gais hei, aur tum log ke aañkhi pe parda charha hei. Tum log sune aur dekhe ya samjhe nai sakta hei. Agar tum log se hoy sake, to tum log hamaar lage aata, aur ham tum log ke changa kar deta.”

Maak 4:11,12 Tab Yeeshu ulog se bolis, “Parmeshwar ke raaj ke gahira baat ke samajh tumme dewa gay hei, lekin jon bahire ke hei ulog ke perabal meñ bataawe ke jaruuri hei. 12 Kaahe ke ulog dekhi lekin dekhe nai paai, aur suni lekin samajh nai paai, ki kahiñ eise nai hoy ki ulog ke dil badal jaay aur Parmeshwar ulog ke maafi de dei.”

Yuhanna 12:39,40 Aur u sab Yeeshu pe biswaas nai kare sakin, kaahe ki Aayzaaya i bhi bolis raha, 40 “Parmeshwar uske aañkhi añdha kar dees raha aur u sab ke dil kaña kar dees raha, ki jisse u sab ke aañkhi dekhe nai sake, aur u sab ke dimaag samajhe nai sake, aur ulog Parmeshwar ke lage bhi nai aai, ki ulog ke achchha kare.”

Roam 11:7,8 Hamme i awaaj sunaan, “Peeta uþho, i sab ke maaro aur khaao.” 8 Lekin ham bola, “Nai, Prabhu, aaj tak koi eisan cheej ham nai khaaya jon safi nai hei ya khaawe laayk nai hei.

2 Thisluneeka 2:10,11 Jon log heraan hei, ulog i sab burā kaam se bahak jaai. U log bache sake hei, lekin sachchaai nai maani aur usse prem nai kari. 11 To Parmeshwar dekhi ki ulog jhuuṭ ke biswaas kare ke beokuufi kari.

Methiu 13:18-23 Ab suno ki u kisaan ke kahaani ke kaa matlab hei. 19 Jon bia rasta pe gira raha, i ulog hei jon raaj ke baare meñ vachan sune hei, lekin samjhe nai hei, kaahe ke saitaan aay ke vachan ulog se chheen le jaay hei. 20 Aur jon patthar waala jameen pe gire hei, i ulog hei jon vachan ke sun ke jurte maan le hei. 21 Lekin ulog ke jar gahira nai hei, aur bahut roj nai rahe hei. Aur vachan ke kaaran jab dukh aur takleef aay hei, tab ilog haar maan le hei. 22 Jon bia kaaña ke jañgal meñ gire hei, i ulog hei jon vachan sune to hei, lekin dunia ke chinta, aur dhani bane ke dhokha, vachan ke dabaay de hei. Aur u fare nai hei. 23 Jon bia achchha jameen meñ boyā gais, i ulog hei jon vachan ke sun ke samjhe hei aur fare hei, koi sao guna (100x), koi saath guna (60x), aur koi tees (30x) guna.

2 Kurinth 3:15,16 Jab Maozas ke kaanuun parha jaay hei, tab ulog ke dimaag pe kuchh orhaan rahe hei 16 u parda ulog ke waaste hañaawa jaay hei jon Prabhu ke bagal ghum jaay hei.

Hosea 11:3-7 - Methiu 11:28-30 Agar tum bojha dhote dhote thak gaya hei to hamaar lage aao, ham tumme araam dega. 29 Hamaar juatha (yoke) aapan uppar uþhaao aur ham se seekho, kaahe ke ham naram dil ke aur deen hei, aur tumme araam mili. 30 I juatha dhoy meñ sahaj hei, aur bojha bhi halluk hei.

Prerito Ke Kaam 26:18 Ham mañgta hei ki tum ulog ke aañkhi kholo, ki jisse ulog añdhera chhor ke roshni ke bagal ghum jaay aur saitaan ke sakti chhor ke Parmeshwar ke lage aay jaay. Tab ulog ke paap maaf hoy jaai, aur ham meñ biswaas karke ulog Parmeshwar ke pawitr jan ban jaai.”

2 Timathi 2:24-26 I sab khali museebat khaṛa kari, aur Parmeshwar ke sewak log, jhagṛa kare waala nai hoy. Ulog ke sab pe daya kare ke hei, aur ulog ke achchha ṭeecha bane ke hei aur dheeraj bhi rakkhe ke hei. 25 Jab koi jon tumhaar agaiñṭ meñ hei uske sudhaaro, to naram raho. Saait Parmeshwar ulog ke aapan bagal ghumaay lei aur sachchaai seekhai. 26 Ulog Saitaan ke kabja meñ hei, aur u aapan baat manwaay hei, lekin Parmeshwar madat kari ki ulog bach jaai.

Revelashan 3:17-19 Tum bolta hei ki tum dhani hei aur kaamyaab hei aur tumhaar lage sab cheej hei jon ke tumme jaruuri hei. Lekin tum nai janta ki tum ketna kañgaal hei. Tum gareeb, dukhi, añdha, aur nañga hei. 18 Aapan sona ham se khareedo. U aagi meñ taapa gay hei, aur i tumme dhani banaai. Ham se ujjar kapṛa khareedo. Uske pahino aur aapan saramnaak nañgaapan ke chhupaay leo. Aapan aañkhi ke waaste dawaai khareedo, ki jisse tum dekhe sako. 19 Ham jon se prem karta hei uske saja deta hei aur sudhaarta hei. To aapan maañd banaao aur paap se ghuum jaao.

2 Kurinth 7:10 Jab Parmeshwar tumme etna dukhi kare hei ki tum uske bagal ghuum jaao aur bach jaao, tab tumme kharaab nai feel kare ke chaahi. Lekin jab i dunia tumme dukhi karaay hei, tab tum mar jaay sakta hei.

1 Raaja 18:37 - God turned heart back to God

2 Kurinth 4:4 Saitaan jon i dunia ke chalaawe hei, u abiswaasi ke dimaag ke añdha kar dees hei. Ulog laaiṭ nai dekhe sake hei, jon mahaan Krist ke susamaachaar hei, jon dekhaay hei ki Parmeshwar keisan hei.

Luuk 8:11-15 "I kahaani ke matlab i hei, bia Parmeshwar ke vachan hei. 12 Jon bia rasta ke kinaare giris raha, i ulog hei, jon sandes sune hei, lekin saitaan aay ke ulog ke dil se vachan leke chala jaay hei, ki kahiñ eise nai hoy ki log vachan pe biswaas kare aur bach jaay. 13 Jon bia chat̄aan pe gira, i ulog hei jon vachan ke to khusi se le lewe hei, lekin jañ nai pakre ke kaaran ilog khali thora deri biswaas rakkhe hei, aur ṭest ke ṭaaim gir jaay hei. 14 Jon bia jhaari meñ giris, i ulog hei jon vachan sune hei, lekin chinta, aur peisa aur jeewan ke sukh dukh meñ fañs jaay hei, aur eisan log ke fal pake nai paay. 15 Jon bia achchha maṭṭi meñ giris, i ulog hei jon vachan ke sune hei, aur achchha bhala samjhe hei. Aur eisane log achchha fal laay hei.

Prerito Ke Kaam 15:11 Lekin hamaar Prabhu Yeeshu ham log pe daya karis, aur ham log uspe biswaas kar ke bacha, aur yahi rakam dusra jaati log bhi hei.

Raom 8:13 Agar eise hoi, to tum mar jaayga. Lekin tum fir bhi jinda rahe sakega agar Parmeshwar ke Aatma ke mutaabik, tum jon sab cheej mañgta hei, uske "Naa" bolega.